



# Te Akanoonoo'anga Akapuapinga a te Au Oire: Te Akanoo'anga no te Aronga Pati Tauturu

E angaanga kapiti ana Te Akanoonoo'anga Akapuapinga a te Au Oire (Creative Communities Scheme) e Te Akanoonoo'anga Akapuapinga a Nu Tireni (Creative New Zealand [ko te kopapa basileia teia no te akamatutu i te au tu angaanga rima (national arts development agency)], e te au konitara oire o Nu Tireni nei. Na te au konitara oire e akapapu kia raveia teia angaanga tei akanoonooia e tona au oire. Ko te tika a te oire tangata te mea puapinga o teia akanoonoo'anga: e na te au kumiti o te au oire e aronga kite pakari to ratou i te au tu angaanga rima o to ratou oire, e paunu akara matatio meitaki i te au patianganga tauturu te ka tae atu kia ratou.

## Te akakoro'anga o teia akanoonoo'anga akapuapinga

E turuturu ana Te Akanoonoo'anga Akapuapinga a te Au Oire (Creative Communities Scheme) ma te akamaroiroi i te au oire takapini ia Nu Tireni, kia anga i tetai au kimi ravenga tuketuke te ka rauka ia ratou i te tomo atu ma te piri katoa atu ki roto i te au angaanga rima a to ratou oire te ka raveia.

Ko te akataka'anga a te akanoonoo'anga akapuapinga, ko "te angaanga rima" ("the arts"), ko "te au tu angaanga rima maani tuketuke e pera katoa te au tu uri'anga no te au akataka'anga te ka raveia" ("interpretative expression").

## Te aronga te ka rauka i te pati tauturu

Ka rauka i tetai tangata okotai, me kore ra, i tetai pupu tangata, i te tuku pati tauturu.

Ko te au pati'anga a te au tangata tatakaitai, ei tangata tinamou no Nu Tireni nei, me kore ra, e au aronga e noo tinamou ana ki konei.

Me kua orongaia atu ana tetai tuanga moni naau mei roto atu i Te Akanoonoo'anga Akapuapinga a te Au Oire (Creative Communities Scheme), penei naau anake ua, me kore ra, na tetai pupu ko koe tetai mema, te irinakiia nei e, kua oti taau ripoti no te reira angaanga rima i raveia, i mua ake ka tamanakoia ai tetai pati'anga ou taau ka tuku mai.

## Turanga Tau no te Pati: E tuanga moni ainei tetai no taku angaanga akanoonoo'anga akapuapinga?

Ka anoanoia taau angaanga akanoonoo'anga akapuapinga:

- » kia akatinamouia ki runga i te au tu angaanga rima a te ui tupuna
- » kia tau ki tei akanooia e te nga manako maata e toru o te pute moni (*akaraia ki raro ake nei*)
- » kia oti i mua ake ka pou ei te 12 marama i te orongaia atu anga te moni tauturu
- » ei angaanga te ka tauturu i te au putuputu'anga o te au oire
- » kia raveia ki roto i te oire maata (city), me kore ra, i tetai ngai (district) no reira mai te pati'anga i tukuia mai ei, me kore ra, e angaanga te ka tauturu i te au putuputu'anga o te reira oire maata (city), me kore ra, o te reira ngai (district)
- » **kare** i akamataia i mua ake ka orongaia ai te tika'anga no te ariki i te patianganga tauturu tei tukuia atu
- » **kare** i tauturuia ana e te pute moni Te Akanoonoo'anga Akapuapinga a Nu Tireni (Creative New Zealand) no te au porokaramau e tauta ra te au putuputu'anga kia tauturuia, no taua akakoro'anga rai
- » **kare** i tauturuia ana e Te Akanoonoo'anga Akapuapinga a te pute moni no te au pati'anga tauturu no te au porokaramu e manganui a Nu Tireni (Creative New Zealand's multi-year funding) pute moni tauturu te ka orongaia, no taua akakoroanga rai.

### **Te manako maata tei akanooia no te pute moni tauturu**

Ka anoanoia taau angaanga tei parani koe kia tau ki tetai okotai, me kore ra, ki te maata'anga o te au manako maata tei akanooia no te pute moni tauturu –

- » **Kia piri te maata'anga o te oire tangata ki roto i teia akakoro'anga** – Na teia angaanga akanoonoo'anga akapuapinga e akatupu i tetai au ravenga kia piri atu te oire tangata ki roto e kia rave katoa i te au angaanga rima te ka raveia.
- » **Te au turanga tuketuke** – Na teia angaanga akanoonoo'anga akapuapinga e turuturu i te au tu angaanga rima e te au peu tupuna tuketuke a te au iti tangata o te au oire, te ka riro i te akamaata atu e te akapuapinga atu i te turanga o te au peu tupuna tuketuke.
- » **Te anau mapu** – Na teia angaanga akanoonoo'anga akapuapinga e tauturu ma te akamaroiroi i te anau mapu (i raro mai i te uki mataiti 18) kia piri atu ki roto e kia rave katoa i te au angaanga rima tuketuke.

### **Ko teia te au tu angaanga akanoonoo'anga akapuapinga, me kore ra, te au angaanga te ka tauturuia e te pute moni tauturu –**

- » te au akaariari'anga (exhibitions), te au akanoonoo'anga akaariari (productions), te au akaariari aitamu (concerts), te au putuputu'anga tamataora tuketuke (festivals), te au iriiri kapua (workshops) e te au tuatau oronga akakite'anga i tei rauka mai (presentations) te ka riro ei ravenga no te oire tangata kia piri ki roto i te au angaanga rima
- » te au angaanga te ka turuturu i te au peu tupuna e te au angaanga rima a te au iti tangata tuketuke
- » te au akakoro'anga angaanga rima a te anau mapu
- » te au angaanga akanoonoo'anga akapuapinga te ka riro e na te au taunga o te oire e raverave
- » te au apinga te ka anoanoia no te au angaanga rima te ka raveia, me kore ra, no te au porokaramu
- » no te tutaki okotai ua taime, i te aronga te ka raverave i tetai angaanga rima no tetai tuatau poto ua
- » no te akapararauare'anga e te akakitekite'anga i te au angaanga rima ki te iti tangata o te au oire.

### **Ko teia te au tu angaanga akanoonoo'anga akapuapinga, me kore ra, te au angaanga te kare e tauturuia e te pute moni tauturu –**

- » te au angaanga te ka raveia kare i akatinamouia ki runga i te angaanga rima
- » te au angaanga rima i roto i te rima o te au apii, me kore ra, o tetai au putuputu'anga ke mai o te apii (education institutions)
- » te tutaki'anga i te au angaanga akateretere'anga (administration costs) tei kore i atui atu ki tetai angaanga rima tinamou
- » te au angaanga akanoonoo'anga akapuapinga tei riro e, ko te tango kimi puapinga ia o tetai putuputu'anga, me kore ra, o tetai putuputu'anga o te angaanga oronga tauturu (service provider)
- » te au moni tei pou i te tutaki angaanga akanoonoo'anga akapuapinga (no te au angaanga tei akamata takereia, me kore ra, kua oti i te raveia)
- » te au moni tei pou i te tutaki i te kaikai no tetai angaanga tei raveia
- » te au akakoro'anga kimikimi moni
- » te maani'anga i tetai au ngai angaanga, mei te ngai akaariari'anga apinga (gallery) e te au a'i o te are teata (theatre lights), te kakau tautau utiuti arai i te ngai akaariari aitamu (stage curtains), me kore ra, te akaou'anga i tetai are
- » te oko i tetai au apinga puapinga, mei te au komupiuta, te au nenei, me kore ra, te au apinga akatangi tuketuke.